

Publicaziuns officialas dils 27 da mars 2026

Vischnaunca Trun

Damondas da baghegiar

Datum da publicaziun: 27-03-2026

Petentsa Deborah Wanner
Via Splecs 13
7166 Trun
Object: Sanaziun dalla casa sin parcella 1339 a Trun
Zona: Zona dil vitg

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Avertura dalla nova deponia da rumians «Cuort da rimnada Ogn»

Preziadas convischinas e prezias convischins

La nova Cuort da rimnada Ogn vegn aviarta **sonda, ils 28 da mars 2026**. Il di d'avertura porscha la suprastanza communal ligiongias giu dil grill e bubrondas. Vinavon stattan luvrers dil menaschi tecnic a disposiziun per mussar ils indrezs.

Suandont rumien sa vegnir dismiss da tut temps: Sacs verds, sacs blaus, PET, veider, textilias e calzars, cuppas d'alu, cuppas da stuors.

Suandont rumien sa vegnir dismiss mo durent las uras d'avertura dalla Cuort da rimnada Ogn: Rufid bloccont, caglias e pastget, ieli da cuschina, pupi e cartun, metal, electronica etc.

Uras d'avertura naven dils 28 da mars 2026:

Mardis, mesjamna e venderdis mintgamai las 16.00–18.00

Sonda allas 10.00–12.00 e las 14.00–16.00

Ei suonda proximamein in feagl sgulont cun informaziuns pli detagliadas en tut las casadas da nossa vischnaunca.

Suprastanza communal Trun

Naschientschas

Arpagaus Gianin Carli, naschius ils 17 da mars 2026, affon dad Arpagaus-Tomaschett Flurin ed Annina

Alig Andrin, naschius ils 21 da mars 2026, affon dad Alig-Cajochen Martin e Daria

Controlla da habitonts Trun

Corporaziun Alp Nadéls

Invit alla radunonza generala 2026 che ha liug mesjamna, ils 8 d'avrel 2026 ell'aula dalla casa da scola Trun, allas 20.00 uras

Tractandas:

1. Beinvegni ed appel
2. Elecziun d'in dumbravusch
3. Prelecziun dil protocol dalla davosa radunonza generala
4. Rendaquen per igl onn 2025
 - presentaziun dil quen entras il cassier, quen annual
 - rapport dils revisurs ed approbaziun dil quen
5. Rapport annual dil president
6. Elecziuns
 - actuar
 - cassier
7. Stabiliments
8. Project via Nadéls
 - informaziun, etappa via «Roscht-Nadéls Dadens»
9. Program da lavur a Nadéls
 - preventiv 2026
10. Fixar il tscheins dils dretgs per igl onn 2026
11. Varia

La suprastonza

Societad da musica Trun

Las musicantas ed ils musicants selegnan da beneventar Vus al concert annual che ha liug ils **28-03-2026 allas 20.00 uras ed ils 29-03-2026 allas 17.00 uras** en sala da cultura a Trun. Sper il toc ed il marsch per la fiasta federala 2026 a Bienna presenta la Societad da musica Trun in program variont e meina Vus atras in legn musical. Dapli informaziuns anfleis sut www.musicatrun.ch.

Cordialmein envida Societad da musica Trun

Museum Sursilvan Cuort Ligia Grischa

Sonda, ils 28 da mars, 16:00

Vernissascha dall'exposiziun d'art Alois Carigiet-Mattias Spescha - Ovras tumprivas. L'exposiziun dat investa alla relaziun amicabla, muossa ovras da pli baul - denter auter la «Cratschla sin finiastra» da Carigiet (1946) e renda vesibla las entschattas figurativas strusch enconuschentas da Spescha. La curaziun han Alexa Giger e Gieri Venzin.

Cordialmein envida il team dil museum

Uniun da dunnas Trun/Zignau

Suentermiezdi creativ

Temps d'esser creativs en cumpignia! Nus s'entupeiin mesjamna, ils **8 d'avrel 2026** allas 14.00 uras en scolaTrun (stanza textil) cun nos projects, giugs ni per star ensemen da cumpignia. Tgi che sa buc organisar sezza in taxi, sa s'annunziar tochen dus dis avon tier Manuela Schwarz (077 406 21 08). L' Uniun da dunnas envida cordialmein e selegra scheTi eis era dalla partida.

Cuors da far paun

Nus envidein vus cordialmein ad in cuors da far paun. Duront in venderdis sera ed ina sonda avonmiezdi vegn nossa meinacuors Barla Cavegn a dar a nus interessantas informaziuns e massa buns tips. Nus vegnin era a far nies agen paun.

datum: venderdis, ils **10 d'avrel e sonda, ils 11 d'avrel 2026**

liug: cuschina dalla scola da Trun

uras: venderdis, 19.00-21.00 sonda, 08.30-13.00

annunzias: tochen ils **30 da mars 2026** all'actuara (sfdecurtins@bluewin.ch, 079 389 29 49)

Nus selegrein da vossas annunzias.

Uniun da dunnasTrun/Zignau

KMU-Impuls regio: Als Unternehmer/-in in der Region engagiert

Anlass mit Netzwerkapéro, 31.03.2026, Ilanz Sieheunter

Amtliche Publikationen Regiun Surselva.